

MAJALAH DIGITAL AKADEMIa UiTM CAWANGAN JOHOR

EDISI KETUJUH 2025



UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.

Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademik.



Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademik untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.



DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatihah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman

Rohayu Ahmad

Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop

Dr. Nur Syamilah Arifin

Dr. Wan Munirah Wan Mohamad

Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid

Dr. Wan Nur Fazlina Abdol Jani

Noorashiekin Khalid

Mazni Mat Zin

Nurrul Amilin binti Zainal Abidin

Nurulnatisya binti Ahmad

Ts. Dr. Siti Aminah Nordin

Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran

Mohamad Hanif Bin Awaludin



ASIAN SOCIOPRENEUR IMPACT CHALLENGE 2025: KISAH KOMUNITI OKU SEGAMAT MENYINAR DI PENTAS DUNIA

Jannah Munirah Mohd Noor, Nur Alya Natasha Muhamad Suhaimi, Faiza Irdina Md Fauzi

ASIC 2025 Presentation Journey menjadi wadah pelajar dari seluruh dunia untuk mempersembahkan idea dan inovasi yang berteraskan impak sosial. Bertemakan **"It's Your Time to Shine!"**, pertandingan ini menekankan kepentingan meraikan idea, impian dan kisah perjalanan anak muda yang diterjemahkan kepada penyelesaian kreatif dan lestari.



Gambar 1: Pembentang ASICS 2025

Peserta mempersembahkan naratif berasaskan data serta laporan mengenai komuniti, khususnya golongan Orang Kurang Upaya (OKU), yang ditafsir melalui inovasi bagi menghasilkan perubahan bermakna. Sebagai finalis akhir, **Universiti Teknologi MARA (UiTM)** mewakili **Malaysia** dengan projek **"Boutique Vendor Students & Community Mall (BoVesCoMall)"**, yang berakar daripada inisiatif Pusat

Inkubator Keusahawanan Spa dan Sauna (PIKSS). Projek ini menumpukan kepada pendayaan komuniti OKU dan B40 melalui model keusahawanan sosial inklusif. UiTM bersaing dengan tiga universiti antarabangsa: Dow University of Health Sciences, Pakistan dengan projek Fitresha (pembuatan kertas daripada bulu burung), BINUS University, Indonesia dengan projek GreenSPace BINUS Syahdan (rumah hijau lestari), serta The British College, Nepal dengan projek Mothers Milk Bank Nepal.

Kesemua projek menonjolkan pendekatan keusahawanan sosial yang menekankan prinsip “Triple Bottom Line” – People, Planet, and Profit. Penyertaan UiTM mengangkat peranan universiti sebagai peneraju transformasi sosial global melalui inovasi dan pembangunan komuniti berimpak tinggi.

BE THE CHANGE
SOCIORENEUR INDONESIA

SiC SOCIAL IMPACT CHALLENGE

Presentation Schedule

All times are in Jakarta Time (WIB / GMT+7).

Category: Primary & Secondary School

Date: 25 August 2025

No	Time Start	Time Finish	Team Name	Educational Institution	Project Title	City	Country
1	1:00 PM	1:40 PM	VenEco	SMAK 5 PENABUR JAKARTA	VenEco	Jakarta	Indonesia
Transition							
2	1:45 PM	2:25 PM	Aim for Neat Nature	SMAN 8 Pekanbaru	Aim for Neat Nature, Act for A Better Future	Pekanbaru	Indonesia
Transition							
3	2:25 PM	3:05 PM	Lentera Harapan	SD Negeri 12 Pekat	Kantin JUARA (Jujur, Unggul, Amanah, Ramah, Aspiratif)	Kabupaten Dompu	Indonesia
Transition							
4	3:05 PM	3:45 PM	Paflova	SMA Negeri 15 Surabaya	"Catch Yo' Dreams" Educational Board Game	Surabaya	Indonesia

Category: University

Date: 26 August 2025

No	Time Start	Time Finish	Team Name	Educational Institution	Project Title	City	Country
1	1:00 PM	1:40 PM	Filtresha	Dow University of Health Sciences	Filtresha	Karachi	Pakistan
Transition							
2	1:45 PM	2:25 PM	Green Space BINUS Syahdan	BINUS University	Green Space BINUS Syahdan	Jakarta	Indonesia
Transition							
3	2:25 PM	3:05 PM	Mothers Milk Bank	The British College	Lacto Milk Bank	Kathmandu	Nepal
Transition							
4	3:05 PM	3:45 PM	InkuPower	Universiti Teknologi Mara (UiTM)	Boutique Vendor Students & Community Mall (B-Mall)	Segamat	Malaysia

Gambar 2: Senarai Pembentang Akhir, ASIC 2025



Gambar 3: Semasa Pembentangan 4 Negara, Nepal, Pakistan, Malaysia & Indonesia